



**SEKTOR ZA CARINE**  
**03/1Broj: 34-7-60-153-3/10**  
**Datum: 20.01. 2010.godine**

**REGIONALNIM CENTRIMA**  
**S V I M**  
*Odsjek za carine*

**Predmet: Kumulacija porijekla u okviru Privremenog Sporazuma,**  
*dostavlja se informacija*

U Službenom glasniku Evropske zajednice, serija C 323 od 31.12.2009. godine (kopije u prilogu), objavljeno je da se, pored zemalja uključenih u proces stabilizacije i pridruživanja s kojima je moguće primijeniti dijagonalnu kumulaciju porijekla, o čemu vas je ovaj Sektor obavijestio aktom broj: 03/1-34-7-60-156-2/09 od 10.04.2009. godine, ova mogućnost od 08.12.2009. godine, odnosi i na Republiku Srbiju.

Shodno odredbama člana 4. Protokola 2 o definiciji pojma "proizvodi s porijeklom" i načinima administrativne suradnje, koji je sastavni dio Privremenog Sporazuma o slobodnoj trgovini između Bosne i Hercegovine i Evropske zajednice ("Službeni glasnik BiH" – Međunarodni ugovori, broj 5/08) i objavljenih obavještenja, proizvodima porijeklom iz Bosne i Hercegovine će se smatrati proizvodi koji sadrže materijale porijeklom iz:

1. Evropske zajednice,
2. Republike Makedonije,
3. Republike Crne Gore,
4. Republike Albanije,
5. Republike Srbije.

Uvjet za kumulaciju porijekla je ispunjen ukoliko je obrada ili prerada na materijalima s porijeklom iz navedenih zemalja veća od nedovoljnih postupaka obrade ili prerade iz člana 7. Protokola 2. Takvi materijali ne trebaju proći dovoljnu obradu ili preradu propisanu članom 6., odnosno Listom odrada ili prerada, jer se ispunjenje tih uvjeta odnosi samo na materijale bez porijekla koja daje status proizvoda s porijeklom.

Treba imati u vidu da član 4. Protokola 2, u stavu 2. predviđa mogućnost da materijali s porijeklom iz neke od pomenutih zemalja ne prođu dovoljnu obradu ili preradu, u kom slučaju dobiveni proizvod ima porijeklo zemlje čija je najveća vrijednost korištenog materijala, a u stavu 3. da proizvodi koji nisu prošli bilo kakvu obradu ili preradu zadržavaju svoje porijeklo.

Postupak izdavanja dokaza o porijeklu, popuna uvjerenja o kretanju, primjena preferencijalne stope, o čemu smo vam dali upute u navedenom aktu Sektora za carine i dalje je isti, s tim da se mogućnost dijagonalne kumulacije u okviru Privremenog Sporazuma, od 08.12.2009. godine proširuje, odnosno uključuje i Republiku Srbiju.

Podsjećamo da zemlje koje još uvijek nisu uključene u SSP kumulaciju su: Republika Hrvatska, Moldavija, UNMIK-Kosovo i Turska.

S poštovanjem,

**Prilog:** kao u tekstu

**Dostaviti:** Naslovu,

03/1,

a/a

POMOĆNIK DIREKTORA  
BOGDAN NOVAKOVIĆ